

18.12.2012

Liebe Pädi



I lige jetzt gad im Spitol (18.12.12) und ha viel Ziit zum überlege :)

Ha die erscht Lungeriifi für di Chli Bohne übercho und alles super vertreit. De

Maylea gots super und am werdende Mami au;)

Ich bi so glücklich, das ich di ha! Du bisch für mi di wichtigscht Person im läbe worde, Ziit mit dir zverbringe isch für mi s'Schönschti und freu mi jede Obet uf di bis hei chunsch.

Di letschte 9 Johr hend mer alles richtig gmacht:


mer hend üs uf unverbindliche Art kenneglernt :)



sind uf Hawaii go englisch lerne,



hend beidi e super 2. Usbildig gmacht,



sind Türkei go unsicher mache und sind so unbekümmert gsi dasmer sFlugzüg fascht verpasst hend, sind go Kite Surfe mitenand,




hend mehrmols Amerika bereist,



hend das super Projekt Weltreis 13 Mönnet dörfe läbe,



hend zäme cooli ideeä umgesetzt (Jacuzzi, Treppe, Tisch, Lämppli, Garage,
Fahnestange),




sind ufen gmeinsame nenner cho was wohnig und wohnort betrifft



und hend au ohni grösseri Problem wieder en Job gfunde!
das alles z'zweite zerläbe isch nöd selbstverständlich, i ha jede Tag mit dir a de
Siite gnosse und bi immer stolz gsi, di als min Fründ zha!

Üses Gspröch ufem Balkon (globb isch de 20.4.12 gsi) het üs dAuge uf gmacht,
dass mer eigentli parat sind zum e chlini Famili zgründe. Mer hend üs das guet
überleit und sind au zum Schluss cho, dasses de richtig Ziitpunkt für so en
Lebenswandel eigentli nöd git. Mer macht sich Gedanke über sGeld (öbs langet
oder nöd), über Konsequenze was mitbringt (weniger Usgang, weniger
Zweismkeit und weniger ziit für eim selber) aber au über dVerantwortig wo
mer mönd & dörfet überneh! Üses Bönli het üs diä Entscheidig über de richtig
Ziitpunkt abgnoh, sie häts sichs gad im erschte riife Ei bequem gmacht und bis
jetzt am Mami 8 schöni Mönet gschenkt. I dere Ziit isch si au scho 2 Mol
zAmerika gsi und wird vo allne Siite sehnlichst erwartet und sehr erwünscht!
Ich glaubs das gspürt si, drum wird si jetzt langsam ungeduldig und will wüsse
was ussert Fruchtwasse, Nabelschnurr, die eigene Händli und Füessli sus no
spannends uf de Welt git.

I ha no kei Sekunde vo üsem Vorhabe bereut (es git Phase i de Schwangerschaft
womer alles hinterfrogt und bedenke het) und bi übergücklich das du am
08.12.12 min Maa worde bisch!



Wenn mi früener öppert gfroget he, was din Traummaa für Eigeschafte het, ha i
eigentli gar nöd gwüsst was säge, sit i di aber kenne, weiss i genau uf wa dases

achunt und wie en Traummaa mue sii! Du läbsch mir da täglich vor! Din Ehrgez,
dini Gnauikeit, Ehrlichkeit, Bestimmtheit, Herzlichkeit, Überzügtheit,
Fürsorglichkeit, Kollegialität aber au dini Läbensfreud und Guetmüetigkeit
beidruckt mi jede Tag uf Neue!


Du wirsch de Daddy werde, wo i mir immer gwünscht ha für mini Chind, eine mit
viel Gfühl aber trotzdem e klari Linie! Lo di nöd um de Finger wickle ;)



ich freu mich so uf die ziit mit dir und de Maylea Jane!
Danke Raserli, Schätzi, Darling oder eifach Pädi für die schöne 9 Jahr mit dir!
Mir sind e super Team und hend super Familene im Hintergrund.

Uf wiiteri schöni Jahr zu Dritt oder meh freu i mi extrem!

Ich liebe di so fescht we de Diamond Head hoch isch;)



Dis bald Mami Madlaina mit de Maylea Jane Stammbach

